



INATSISARTUT

Aningaasaqarnermut Naligiissitaanermullu Naalakkersuisoq

Ulloq: 08-03-2023

J.nr.: 01.31.06/23-01020

Aningaasaqarnermut Akileraartarnermullu Ataatsimiititaliap marlunngornermi ulloq . marts 2023-mi aalajangiineranik Naalakkersuisunut ilisimatitsineq

2022-mi marsimi qarasaasiat saassunneqarnerisa kingunerisaanik Asiaq-mi aningaasartuutaasunik matussusiinissamut ilassutitut aningaasaliinissamut qinnuteqaat

”Naalakkersuisut inassutigaat,

- kontomi pingaarnermi 73.01.10 ASIAQ aningaasaliissutit 429.000 koruuninik amerlineqassasut,
- AI2022-mi IST-p inerneru 429.000 koruuninik ajorseriartinneqassasoq.”

Aningaasaqarnermut Ataatsimiititaliap oqaaseqaatai

Inassuteqaatit siuliani allassimasut ataatsimiititaliamit qujassutigineqarput. Inassuteqaatit ataatsimiititaliamit akuerineqarsinnaanngillat, tassa suliassat aningaasanut inatsisip ukiuanut maanna ingerlasumut attuumasut kisiisa aallaavittut isigalugu ataatsimiititaliamit suliarineqarsinnaammata. Ilassutitut aningaasaliissuteqarnissamik qinnuteqaat matumani pineqartoq naluneqanngitsutut 2022-mi aningaasartuutaasunut tunngassuteqarpoq, taamaattumillu ataatsimiititaliamit Naalakkersuisunut siunnersuutigineqaannarsinnaavoq ilassutitut aningaasaliissuteqarnissamik qinnuteqaammik nutaamik aningaasartuutinut aningaasat ukiuannut matumunnga tunngasumik nassiusseqqullugit. Ukioq aningaasanut inatsiseqarfiusoq 1. januarimiut 31. decemberimut ingerlasarpoq.

Aningaasaqarnermut Ataatsimiititaliap aalajangernera

Siuliani allassimasutut oqaaseqaateqarluni Naalakkersuisut inassuteqaataat ataatsimiititaliamit akuerineqarsinnaanngillat.

Ataatsimiititaliap sinnerlugu

Hans Peter Poulsen

Ataatsimiititaliap siulittaasua